

أيه انطباعك...؟

صدقيني....

ياللى قلبى كان رِتاَعِك

مانتى ياما لعبتى بيه...

وهوا من جواه شاريكى

كنتى ياما تهددى بالبيع وهوا...

عمره ابدًا يوم ما باعك !!!

قلبي ال طول عمره كان...

ياما يراعيكى ؟؟؟؟؟؟

رغم انه شاف منك وداق..

ألوان خداعك !!!!!!!!

صدقيني ...

قلبي كان لساته شارى

ياما كان يتمنى مرة...

يجيله إحساس ب انصياك
طب وانا كده ليه هادارى
حتى لو حب التملك....
أو دا كان هوا انطباعك
قلبي كان حبك حقيقى
قلبي... عمره ف يوم ما باعك
ويا ما هبت ريح عاتيه
و كنت انا... مجداف شراعك.
كنت الاقى معاكى نفسى
كنت انا... براءة اختراعك
وحتى كتالوج المحبة...
شرحت هولك
وف يوم غرورك....
صور ان الكون بتاعك
وانى لو حبيت اقف ...

علشان اطولك

اجمع جبال الوهم...

ويّا أدوات اصطناعك

وفوق تلال كلام الحب..

اللى ياما قولتهولك

يمكن ساعتها ...

اقدر انول شرف استماعك

كان فين غرورك...؟؟؟؟

وانتى بتحطى و بثقه ..

طبعا صوباعك

تحت ضرسى...وكتتى فاكرة ان انا...

برضوا لسه الواد بتاعك

دلوقتى ...عيشى الوهم وحدك..

دلوقتى...ه تعيشى ف ضياعك

دإنا قلبى ياما صبر عليكى

دلوقتى ايه هوا انطباعك؟؟؟؟
وانتى اهو شايفانى ماشى ...
و القمرف ايدى اليمين
متأنججين....
بصى.. ف اديها الشمال....
الدبله والخاتم بتاعك.....!!!!!!
قوليلى ايه هوا انطباعك
قوليلى ايه هوا انطباعك

مايو ٢٠١٥